





蘇州吳梅

字瞿安別號霜厓

1881—1939 藏書

夏為堂人天樂傳奇卷下

吳梅

霜厓

震丹 笑蒼道人 製

越調歌戈韻

第十九折 魔闕

喬八分

淨扮阿修羅上

九頭八脚號修羅海殿宮城

是設摩天衣寶食忒快活噀心毒手只要弄干戈跨

山闕海鬼神驚把日擎雲任縱橫不是人間多惡業

緣何天上有刀兵自家阿修羅王是也生在彌留大

海名喚毗摩質多俺的形體猙獰神通廣大若論猙

獰形體手據須彌山頂直下觀着忉利天若說廣大



神通力勝四大龍王。還抵敵過八太子。恨頭上兩輪  
晃眼。誓取日月以爲耳璫。看堂中七葉開顏。欲將五  
繫以縛帝釋。因此不肯安靜時。與諸天戰爭。你道俺  
何故與天戰爭。只因俺素染嗔慢之習。常懷誦曲之  
心。更兼閻浮生民。常有殺機相感。若閻浮人肯修十  
善。忠孝慈和。則俺們自然退敗。若是十惡滿盈。則俺  
們定然得勝。你想那些閻浮衆生。能有幾個修行十  
善的麼。故此俺安靜時少。戰爭時多。那諸天神王也  
屢屢被俺蒿惱。不過這也不在話下。只俺這北海遊

邊有個鬱單越洲。他那裏有自然衣食。宮殿隨身。雖  
然不是天人。那快樂受享。却與天宮無異。俺想與天  
戰鬥。還覺費力。若據我神威。吞佔此洲。何異泰山壓  
卵。如今不免點齊魔兵。且前去攻取此洲。以爲安身  
之地。豈不強似蹲在海底穴中。過日子麼。衆兵將何  
在。衆扮鬼兵各持兵器。應上介。大王有何號令。淨你  
們可整齊隊伍。隨俺攻取鬱單越洲去者。衆得令。淨  
你們聽我道來。

蠻牌令 單越小巢窩。一撮土之多。他自然衣食美。憩



喬柯匝地裏金珠玉珂。俺與兵去降伏么麼。合敲花  
鼓唱凱歌。得了這現成家業。喜笑呵呵。淨

豹子令 單越洲中真快樂。衆真快樂。淨天堂佛國不

如他。衆不如他。淨今朝要去與災禍。那鮮衣美食與

嬌娥。合一齊吞佔哩噠囉。淨

前腔 勇健羅喉威力多。衆威力多。淨隨征百萬小嘍

囉。衆小嘍囉。淨北洲然指須攻破。便齊天洪福待如

何。合他能強過梵天麼。淨可恨俺這裏釀酒不成。故

此從來不飲。如今大家同心合力。取了單越洲。從今

好醜陶痛飲也。衆應介

淨修羅無酒最堪羞。激得俺怒氣衝霄不自由。

衆大王如今好了。且將大鬧天宮手。小試牛刀

鬱越洲。

第二十折 濟困 越調車遮韻

生同丑持拜匣上 夕陽西下水東流。處處風波處處

愁。有客吹簫向吳市。何人騎鶴上揚州。盍旦。我為渡

江訪友。來到廣陵。這去處乃是花月之地。錦繡之鄉。

自來繁華富麗。我雖然遊過數十回。却未見幾個賢



地主。這正是金穴銅山成世界。誰曾物色到塵埃。可嘆可嘆。丑。正是。生。

賣花聲。隋苑樓迷。曲江濤瀉。瓊花無二爭傳說。冤他耳朶。何曾缺。論名區本無別。賜好是法海平山遊不盡。春江花月。看蟻陣蠅樊。鬧穰穰何時休歇。雖然如此。既到此處。也只得隨例往郊外遊覽一番。庶不負此良辰也。行介丑。相公。你看出得城來。那寶馬香車。畫船簫鼓。酒樽食櫺。紛紛攘攘。好不熱鬧也呵。生。這也不管他。你看那遠遠走來的。却似一個異鄉貧士。

也。未扮周生破衣上。

鬪蛤蟆

覓館席。辭鄉里。不憚遠涉。來此地。杳無緣。困

淹旅舍。思想進退真維谷。怎得個仁人慨然帶挈。小

子四明周生。因家貧無計。渡江圖館。不想館事不成。

囊資罄竭。去住兩難。無門可控。將來只得求乞而歸。

那前面來的。像是一位長者。須索求告他一番。見生

揖介。先生拜揖。生答禮介。長兄何來。未。小子從四明

遠來。圖一蒙館。如今館既不成。又無路費回鄉。窮途苦境。望先生憐而濟之。生。原來如此。這個是貧士之



常我小弟亦每同此病。如今篋中幸有微資。尚可相助。開匣取物付末介。這白金二兩。聊奉吾兄爲歸舟之費。末揖介。多謝先生真長者。真任俠。這樣仁人。那得遇耶。下副末扮李生孝服上。

前腔。正窘迫。遭喪事。殞具怎賒。欲乞米。似淵明叩門話拙。只索曉渡長江水。向故友哀號。滿襟淚血。小生楚中李生。向來家徒四壁。塵甌少煙。近日又忽遭母喪。真是雪上加霜。只得過江一行。向舊時相知多方求助。呀。那前面來的是軒老伯。多年不見。何期在此。

相逢。見禮介。生。足下是李兄。尊服却爲何人。副末是

家母新喪。生。何暇來此。副末。因爲家貧如洗。棺槨衣

衾百無一措。只得到相知處求助。生。可有所得麼。副

末。來此數日。並無一文。生。歎介。如此世情。能得幾個

范希文父子。如今幸得遇着小弟。雖不能大有所助。

區區數金。尚可少効匍匐之誼。取物付副末。副末拜

謝介。多謝老伯。合前。既蒙老伯厚惠。如今小侄急急

趕回治喪。不得陪侍了。生。請了。副末下。外扮吳孝廉

上



前腔 窮舉子。蓋鹽况。年近耄耋。不伏老。似梁生。要魁  
俊傑。目下又值公車促。苦乏計。借貲可供結轍。小生  
鑿江吳孝廉。生平甘貧力善。一字不入公門。今當公  
車屆期。赤手不能前去。聞得軒年兄在此。不免和他  
相商。相遇介 呀。正要來尋年兄。不期途中相遇。生年  
兄此時又該上公車了。外 便是。奈何囊無一文。惟有  
仰天浩嘆。生 別事可以遲得。這春闈期限如何遲得。  
小弟既叨附年誼。篋中尚有十數金。可以相助。取物  
付外介外 多承年兄高誼。只恐不殼盤纏到京。奈何。

生 這同袍公車之費。原有一個省儉之法。外 願聞。生  
若是富厚的同袍。任從他人夫騾轎。無所不可。若是  
窮同袍。只有用車一法。外 用車如何。生 一輛車子不  
消貧士入都不可不知此法一騾之費。而可以兼兩騾之用。箱籠拴于車下。席  
逢覆于車上。被套安于車中。可容主僕兩人坐臥。竟  
可高枕而至都門。且可免風霜之苦。所以從來說車  
有五善。外 是那五善。生 省費一也。負陰而抱陽二也。  
外 何謂負陰抱陽。生 這車是倒推的。太陽晒得着。北  
風吹不着。所以古人說。去國不忘君親。因為他倒



推去時面向家鄉。同時而朝帝闕。不失忠孝之意。這雖是戲談。亦是正理。外還有三善呢。生行住坐臥。得以自便。三也。危橋險路。無傾跌之患。四也。設有意外盜賊。萬分無虞。五也。外盜賊却如何保得。生年兄不知。從來北路响馬強盜。單尋朝覲官員。所以朝覲官還有假貼會試封條的。若是會試舉子。他便道是寒酸。不屑下手。若是用車的。一發說是窮花子。過而不問了。故此這車子竟可稱為賊。見笑。外妙阿妙阿。小弟老于公車。不意今日纔聞此妙論。生還有一件妙

處。那用人夫騾轎的。免不得要上飯店打中火。這一頓中火。所喫不多。却要費許多錢。又擔閣半晌工夫。若是用車。便隨路有粥飯。麪點可買。那車夫少不得時常停車要喫。但他喫時。我也去喫。這是論碗。不論頓的。叫做打野尖。卽此一項。省費也自不少。外妙極妙極。原來這用車有許多妙處。所以從來說公車。公車並不說公騾。公轎。必如此方纔算得公車。這樣看起來。適間年兄所贈之物。小弟此行。竟寬然有餘矣。只是承年兄大惠。殊覺不安。生明在同年弟兄。怎說



這話。外搵介。多謝年兄了。合前。如今期限已迫。小弟只得拜辭了年兄。連夜收拾登程了。生。這個豈容再遲請了。外下。小生扮劉大行上。

前腔。甫通籍。行人職。四牡跋涉。驚鼎革。慟天崩。驀遭大劫。桎梏險作長安鬼。嘆繭足鶉衣得尋故轍。自家閩海劉生。官居大行。奉差復命到京。不意適逢寇禍。備受慘辱。幸得脫身南歸。流離顛沛。九死一生。目下已到廣陵。要返家鄉。奈此地並無同籍一人。無從借貸。如今病臥舟中。只得叫家僮上去打聽。不知可有

相知在此。小淨扮家僮上。呀。那前邊行的。像是軒老爺。這是家爺的兩榜同年。極相好的。為何在此。上前

跪見介。軒老爺。有同年大行家主劉爺在此。生。你爺在何處。小淨。現在舟中。臥病不能步履。生。如此。我就到舟中相會便了。到介相見介。小生。軒年兄。今日小

弟得與年兄相見。真是兩世人也。生。年兄何狼狽至此。小生。小弟不幸橫罹寇禍。一言難盡。如今病體郎當。急欲歸里。只是客囊如洗。寸步難行。奈何奈何。生。這個不妨。小弟篋中幸還存二十金。如今當盡贈年



兄。以作歸途之費。取物付小生小生揖介。這是伯夷

之粟。小弟本不當受。但如今在患難中。只得拜領。若

得生入霞關。皆是年兄之賜。合前生。年兄請保重。小

弟在此。猶恐擔閣行程。倒要告別了。行介小生。多謝

年兄。恕小弟不能躬送了。生。請了。小生小淨同下丑

相公。我今日跟你走了一日。不會喫得一口水。倒送

掉了許多銀子。如今一個拜匣。都空空的了。却怎麼

處。生。這個何足爲道。我一生專要濟困扶危。昔年在

楚中。有周氏孤女。向我告助奩資。我就將自己分內

良田二百畝。立刻贈之。如今却不比昔日了。所有資

財。不過隨到隨捨。我年年每到除夕年邊。常攜帶數

金在身。專爲救人之用。只是有緣的方遇得着。十分

遇不着。却也無可奈何。

尾聲。我這扶危濟困婆心切。恨不能補盡乾坤缺。不

然。難道我此來。只爲這二十四橋明月夜。

明月橋邊富貴春。朝朝十萬醉芳樽。

何當布作黃金地。天下饑寒盡在門。

第二十一折 壽魔

北雙調東鐘韻



新水令

外扮毗沙門天王上  
多聞增長住天宮。一般

兒將門龍種。三郎施變化。八將顯神通。劍杵摩空直。  
搖得九霄動。自家毗沙門天王是也。俺位列四天。威  
行三界。統領夜叉羅刹。專護鬱單越洲。這一洲的人  
民。較彼東西南三洲。最爲勝妙。因他前世修行十善。  
故得託生彼地。勝福安樂。壽足千歲。向來總相安無  
事。近日聞得有阿修羅魔王作亂。要與兵吞佔此洲。  
這是俺職掌所關。安可坐視不救。以前猶傳報未確。  
昨有海中難陀和跋難陀二大龍王。身繞須彌七匝。

山動雲布。以尾打水。大海浪冠。須彌忉利天宮聞之。  
便知修羅欲戰。須索聚集諸龍鬼神。整頓兵仗。準備  
征勦。不可遲緩。吾兒那吒何在。小淨扮那吒太子三  
頭六臂持兵器上。

么 三朝踏倒水晶宮。捉蛟龍。父娘驚恐。荷衣翻翡翠。  
藕骨換玲瓏。施展着八面威風。降盡了九十六妖魔。  
洞自家那吒三太子是也。俺高聳三頭。橫施六臂。神  
通廣大。法力高強。聞得父王呼喚。須索上前參見。見  
介 父王喚孩兒有何使令。外 吾兒可曉得阿修羅作



亂要吞佔單越洲麼。

小淨

孩兒昨日也曾聞得。這是

父王該管地方。如今須索前去救護。

外便是。吾兒一

面整頓兵將。俺一面還要到持鬘天東北戰勝天宮。

啓上摩利支天大士。請求接應纔是。

小淨

行兵之事。

孩兒自會料理。父王但請前行。

下外行介

已到戰勝

天了。未知大士曾升座否。未扮摩利支天上

喬牌兒

勝幢王位崇善法佛堂聳。誰將帝釋牟尼供。

金輪一樣捧妙高峰上。幾春秋歡喜園中采女遊。若

道天宮無嫉妬。誰教悅意變冤讐。自家摩利支天大

士是也。習成立一之道。超越四空之禪。得大神通。具

大威德。大願度世。大力降魔。弘護閻浮之人。專救兵

戈之劫。向來修羅擾亂。曾經現身降伏。近日下界衆

生惡業愈深。又不知作何光景也。

外進參見介

天

王所爲何來。

外

因爲阿修羅作亂。要吞佔鬱單越洲。

特來啓奏大士。祈求神力接應。大士聽啓。

碧玉簫

單越熙豐。人在福田中。脩羅逞兇。強暴敢相

攻。這壁廂喜孜孜。將十善種。那壁廂怒轟轟。把十惡

縱天不容。兵戈須動。因此上準備選鋒。還要向大梵



天勞威重末原來這業畜又復猖狂我曉得了天王  
可一面發兵征勦我隨後便來收伏

鴛鴦煞 俱盧洲裏無驚恐脩羅城內多喧闐各自山  
川牛馬其風何故稱兵乾坤震動速整天戈掃妖孽  
無遺種這的是福善除凶纔顯得太平年天一統外  
這等多勞大士了小神且先去拱候駕臨便是末知  
道了

外如此兵戈豈偶然末不須動地與驚天

外常言道道高十尺魔千丈末識破何曾值一錢

### 第二十二折 解冤

商調廉纖韻

吳小四

小淨扮皮青上

態如闔腹似鉗唇邊勝蜜甜

狼虎肚腸魑魅臉兩面鋼刀三個尖毛刺虫誰敢粘

小子名喚皮青一生古怪精靈滿腹包藏鱗甲時時

冷笑無情最要挖人腦髓更會圖人眼睛欺善何嘗

怕惡如賢還要嫉能全憑三寸巧舌變亂黑白難明

伯夷說他貪利西子談他醜形假饒釋迦孔子總然

不免批評真是獸心人面又道人頭畜鳴內問介如

此作惡難道沒有報應的麼小淨莫言爲惡不報直



待惡貫滿盈。如今天公憤憤。眼前落得橫行。我小子  
久居江淮地方。專慣爲非作歹。降禍生災。我有一個  
讐人。喚做東方望。他家私富饒。生意興旺。我思量小  
衙門。急忙弄他不倒。須得到按院處。送他一個訪  
犯便好。這裏新任理刑。甚有風力。我要將東方望開  
列惡款送去。只恨沒有門路。近日聞得他有個相好  
同年。軒爺在此。待我備副厚禮去拜見。託他將款單  
送進。還許他事成之後。多金重謝。此計甚妙。事不宜  
遲。來此已是軒爺寓所。裏面有人麼。  
丑上 夜眠清早

起日出事。還生尊駕何人。到此何事。  
小淨 要求見軒

老爺的。  
丑 我這裏只有軒相公。並無軒老爺。  
小淨 可

是與理刑老爺同年的麼。  
丑 理刑雖是同年。我相公

却不甚來往。  
小淨 有一件機密事。要來面稟軒爺。備

得有薄禮在此。相煩引見。  
丑 既有禮物。待我通報。  
生

上

風馬兒。十里春風客况淹。繁華夢空繞珠簾。  
丑 有人

在外面。要見相公。  
生 出見小淨。介。生。足下何來。  
小淨

軒爺聽稟。念我小子呵。



滿園春 安愚分守窮簷懼官府。法森嚴。巨耐有個豪  
惡東方望呵。他憑空倚富欺貧賤。頻吞噬。頻吞噬。谿  
壑欲無厭。傷心怨。口難箝。況且受害的。非止小子一  
人。那觸兒的被殲。畏威的遠潛。現開得有他的惡款  
在此。遞單介望轉達霜臺。轉達霜臺。安民除害。這德  
澤萬代均沾。小子不敢輕勞軒爺。備得有薄禮在此。  
求軒爺海納。待事妥之後。還當以百金爲壽。遞禮單  
介生你這話我也未知虛實。但理刑雖係同年。我却  
從未關說。況且這害人的事。我是從來不做的。

前腔 我存陰隲守清恬。自不慣。取傷廉。你這連篇累  
牘詞非善。須詳察。須詳察。虛實與洪纖。那公堂上。萬  
人瞻。例誰容引嫌。字誰容減添。看鐵案如山。鐵案如  
山。出生入死。休得把曲筆輕拈。這款單和禮帖。我都  
不敢收。你原拿了回去罷。小淨原來如此。凡事若依  
天理做。世間那個打秋風。下丑相公方纔這個人。只  
要你傳遞得一張紙進去。便有厚禮重謝。這樣事便  
做做何害。生你那裏曉得。這張紙進去。便關繫這個  
人的身家性命。且無論那個姓東的惡與不惡。就筭



是惡人卻也與我無讐。何苦爲這幾兩銀子就去害他。你豈不見前日那個故人之子偷盜我數十金去。後來事體敗露。被人拿住。我尙且付之不究。何況這一個不關已之事。豈可昧心去做他。末扮東方望上。莫說天高黃帝遠。只愁人少畜生多。小子東方望是也。在此開張藥店生理。與地棍皮青小小有些口角。昨日有人對我說。這皮青竟開了我的款單。備了禮物。投託一位理刑同年軒爺。求他送進。那軒爺力却不收。這真是仁人君子。此恩不小。如今須索去登門叩

謝者來此已是裏面有人麼。

丑上

尊駕何來。莫非也

是來送款單的麼。末我不是送款單的。是來謝老爺

不收款單的。丑進報生生出見末末拜謝介生足下

何人。末軒爺在上。小子東方望。就是皮青款單中人

也。生看兄氣度。不像惡人。如何皮青却造許多款單。

要行陷害。末不瞞軒爺說。那皮青是個地方喇棍。他

與小子不過爲小小口角。誰知他就擺佈如此機謀。

要置人于死地。這真叫做殺人可恕。情理難容。還幸

得軒老爺施天地父母之恩。不墮其計。不然小子此



時也沒有性命了。我想此棍既懷此惡意。將來少不得要被。他暗害。如今不如先出名告他一狀。以杜後患。罷。生 這個也還不可。你兩個雖有嫌隙。却無深讐。從來冤家宜解不宜結。待我明日託一個人。與你兩家和解了罷。末 多感軒爺頂戴不盡。生

尾聲 來朝便把干戈斂。從此轉禍為祥。卦免占。少不得要到埂子。紅橋問酒帘。

莫結冤讐。但結緣。

須知杯酒釋兵權。

末 軒爺我欲酬大德。慚無物。只有一梗人參。重八。

實趣

錢

第二十三折

馘魔

南北調江陽韻

南破陣子

淨阿脩羅領衆上 離却摩婆宮殿。來侵鬱

越封疆。大劍長鎗。齊踴躍。麾下人人似虎狼。何愁不伏降。自家阿修羅。特地統領魔兵。來取單越洲。行不多時。却早到七金山地方。且暫時扎住營盤。歇息一會。再往前進者。衆 得令。虛下外扮毗沙門天王小淨扮那吒太子領衆兵將上外

北紅繡鞋。高坐中軍虎帳。指揮百萬龍驤。天兵驍勇。



實非常。小淨巨靈形狀猛。羅刹爪牙張。要芟除盡邪。

魔黨。外自家毗沙門天王同孩兒那吒統領眾兵將。

特來征勦阿脩羅。救護單越洲。打探得修羅營盤去。

此不遠。眾將士須索趨行。眾得令。虛下淨眾上。

南晉天樂 九頭搖千晴晃。撼須彌翻波浪。先聲到先

聲到處處驚惶。亂俱盧似猛虎擒羊。合呀。任橫衝直

撞。何人敢抵當。說甚天兵圍繞。圍繞十面排場。丑扮

夜又上。自家金山夜又是也。今有阿脩羅犯境。只索

提兵出戰。戰敗介淨丑虛下外眾上。

北朝天子 擺弓刀兩廂。列旌旗五行。簇團花盡是貌。

貅將鋪排陣勢。看天圓地方。握奇圖風雲壯。九宮星

吉祥八門符生旺。噹噹噹噹噹噹噹噹。合奮魁罡威

光萬丈。威光萬丈掃妖氛。如翻掌掃妖氛。如翻掌。夜

又急上介。天王在上。修羅勢大。小將與交戰不利。只

得退回。求天王定奪。外知道了。你且暫退。俺這裏自

有調度。虛下淨眾上

南晉天樂 髮蓬鬆鳩盤樣。體崢嶸金剛狀。高聲唱高

聲唱俺是魔王那先鋒。將早已披猖。合前小淨上何



物小魔。輒敢無狀。戰介虛下外衆上

北朝天子 迸雙眸火光現諸般武裝。猛那吒具足威

神相。擎輪執杵。駕獅王虎王。滿虛空叮噹響。那脩羅

呵蛇神兒。跳跟牛身兒。粗莽那怕他。逞逞強逞強逞

逞強。合前那吒急上介父王在上。脩羅委實兇狠。孩

兒與他交戰許久。只好扯平。不能取勝。如之奈何。外

此非摩利支天神力不可。道猶未了。那雲端裏五色

祥光。繽紛閃爍。大士早降臨也。未扮摩利支天上唱

前喬牌兒外接見介未連日交戰如何。外脩羅兇狠。

急難取勝。未今晚權且休息。明朝自有分曉。外領曰

同下淨衆上

南普天樂 羅喉星遮日光鏡池妃窺天上。俺頑囂性

頑囂性一謎猖狂。便是莽那吒也。則平常。合前如今

天兵中既沒俺的敵手。只管殺向前去便了。虛下外

未同衆上未

北朝天子 此西遊記云這一場好殺也擲朱輪火光踏風輪斗罡兩肩窩日月橫。

安放三頭八臂現金容寶粧。執戈矛擎刀仗。蚩尤旗

謹藏破軍星。休撞那小魔阿。早早降。早早降。早早降。合



前虛下淨衆上末登高搖旗外小淨合戰淨敗抱頭  
走介 不好了。不好了。

南普天樂 自行兵多雄壯。並不曾輸一仗。今朝裏今  
朝裏撞遇空。半天中降下災殃。正當交戰之時。誰  
想半空裏降下無數刀輪來。如沙如雨。亂紛紛落在  
俺頭上。把俺的耳鼻手足。一時都削去了。渾身上鮮  
血淋漓。連大海水也赤如蚌珠。如今好不疼痛呀。海  
波如赤蚌。逃生向那方好了。好了。幸得此處有一池  
蓮藕。只得往藕孔藏身。羞殺羞殺。了一世魔王。下末

北朝天子 也不須誦波羅寶章。也不須建光明勝幢。  
等閒間洗淨了兒魔瘴。從伊惡口。免將還法堂。剪渠  
魁寬餘黨。海潮波不揚。四天空無恙。掃掃光。掃光掃  
掃光。外 如今脩羅幸已降伏。甚虧了大士神力。多有  
勞動了。只是那單越洲人。一毫不知不覺也。忒煞便  
宜。末 這也是他修善的感報。合當如此。他那裏正酣  
眠。日高三丈。日高三丈。幾會聞鉦聲。響幾會聞鉦聲。  
響。外 如今已恭喜太平了。就此收兵回宮去罷。只可  
笑這脩羅小魔。



逞盡英雄終出醜。小淨好似神仙老虎狗。  
衆他便是大鬧天宮的行者。孫到頭怎出如來手。

第二十四折 贖女

商調監成韻

生上。幾年滄海已揚塵。每見花開卽苦春。滿眼香魂招不得。人生莫作婦人身。我小生爲何道這幾句。只因偶到三衢地方。看見營伍中有許多遭驅被擄的婦女。觸目傷心。幸得此間當道原係相好同年。小生雖絕不干謁。然要濟人急難。也不免要用着他。因此在外邊有聞卽告。倒也虧此公從善如流。近日又聞

得有一個何夫人。因丈夫殉節。沒官爲奴。一個毛小姐。因擄在兵營。索銀取贖。這兩件都是要緊之事。且待打聽的確。再作道理。  
暫下老旦扮何夫人。囚服上。

山坡羊

苦哀哀說不盡的傷感。絮叨叨訴不完的悲

慘。黑昏昏叫不應的彼蒼。密森森跳不出的坑和坎。節義擔兒夫死已甘。何辜又把妻孥陷。終日裏俘囚居阜檻。無慙這艱危也。自諳難堪。這饑寒誰試探。忠臣不二主。烈女不二夫。天上和地下。惟應君與吾。奴家何監軍之正室是也。夫君殉節而死。將我沒官爲



奴拘繫經年。衣糧不繼。將來若不爲道路之遊魂。定作饑寒之怨鬼。這一死也。是我分所當然。只是目下求死不得。好不難捱也呵。笑介生上聞道何夫人拘繫在此。只得走來一看。見禮介老旦君子何來。生小生是遠方過客。聞得夫人在此受難。昨日特與本地官長說知。意欲與夫人求取方便。爭耐官長不肯擔當。夫人只得且耐煩守去。小生有白金數兩。聊奉夫人爲朝夕之費。出銀付老旦老旦拜謝介多謝君子。啣結難報。敢問君子高姓大名。生這是我小生常有

之事。何足掛齒。夫人也不必問罷。竟下老旦世上有這樣好人。真個是施恩不望報也。奴家只好嘿嘿禱告上蒼。保佑他便了。下小旦扮毛小姐淡粧上

前腔 亂烘烘家山也。那搖撼淚潸潸椿萱也。那傷憐生擦擦把連枝割開。羞怯怯節操誰全。俺積恨啣淡冤似海潭。一雙姊妹俱遭陷。又誰料分飛如絮。髮鬢何心整斷。簪喃喃何由寄短絨。一朶千金泣路傍。簾櫳難護。幕難藏。可憐不遇探花客。狼籍枝頭多少。香奴家毛侍御之女是也。不幸國破家亡。父母俱死。



于亂兵之手。我姊妹二人被擄在此。要索多金取贖。爭奈家中單寒分文難措。如今只得忍耻偷生。數日之前。不知將妹子帶往何方去了。單剩奴家一身。軟禁在此。不死不活。好不苦阿。哭介生同末扮差官上。連日爲打聽毛小姐事情。如今方知下落。已與當道說知。特地備辦百金到營中來取贖。一路訪來。知在此間。這哭聲悽慘。一定就是此女了。雜扮營官上介。二位何來。生奉當道之命。特來取贖毛小姐的。雜如此請進。見小旦介小旦大人何來。生我是遠方過客。

也與你尊翁頗有年誼。聞得兩位小姐被難在此。特與本地官長說知。備得百金在此。贖取你兩位回去。小旦拜介多謝大人。施此莫大之惠。真是天地父母之恩。但恨舍妹無緣。數日之前。不知帶往何方去了。如今止存得奴家一身。奈何奈何。生既然如此。就先將五十金送與本營。作爲酬謝之費。且講了小姐一位回去。令妹再容打聽罷。付銀與雜介請收了。雜收

介生末同小旦行介。小旦拜介。多謝大人。只是奴家此時已無家可歸。不知何處可以安身。生這個不勞



小姐費心。我已與當道說過。覓得一位姓吉的飽學  
文士。就是他的拔貢門生。此兄壯年未娶。即日可以  
完姻。只是家道貧寒。小姐只得寧耐。小旦大人在上。  
奴家幸蒙大恩提拔。真是出地升天。夢想不到之事。  
但得荆布相安。何敢復論家計。生既然如此。這位差  
官是有家眷的。小姐權到他家中坐下。今日恰好是  
黃道吉日。我已與當道說知。將一切粧奩轎馬安排  
停當。少刻吉生自來親迎。小姐但請梳粧。打點上轎  
便了。小姐呵。

黃鶯兒

這夫婿似周南咏關雎。繼葛覃。鵲巢好把頻

繫探家聲不慙儒風且湛。綢繆邂逅今無憾。綺筵酣

寒梅撲鼻苦盡得回甘。小旦拜介

前腔 百拜向江南。這恩波海樣涵。大人呵。你一肩挑

盡仁天。擔誼過解驂。功過建龕。幽明存沒皆銜。感祝

華三願。公此去富壽復多男。行到介生已到差官家

中了。小姐請進去少歇。衆鼓樂綵旗擡轎引小生簪

花披紅上小生。戶有三星。真是喜家無四壁。不知貧

小生吉二南。蒙老師恩賜與毛小姐成婚。須索親迎



去者。行介衆唱

前腔 吉日慶疇三。奉官差簇紫衫。粧奩轎馬如承站。  
還有厨司管監。樂人謹叅。紅鸞天喜非虛賺。誦瞿曇。  
一雙兩好怨女配鰥男。到介末請小旦上轎衆遶場。  
吹打到介衆請小旦出轎照常喝禮交拜鼓樂成婚。  
介

尾聲

嘆赤繩千里誰招攬。倒虧這殺掠的兵丁把月。  
老擔這的是歡喜冤家好作美談。小生小旦衆俱下。

生

紅顏命薄總堪憐。末 阿姊桃夭幸有緣。

生歎介

只恨五更風雨惡。一枝飛去落誰邊。

第二十五折

贖兒

越調支思韻

水底魚兒

末扮朱生破衣帽上

烏鵲無枝。皇皇何所

之窮途。歲逼惟有涕漣漣。南去青山冷笑人。那能得  
計訪情親。曾經路苦方知苦。漫說家貧未是貧。自家  
玉峰朱生是也。山妻薄氏所生三女一男。向來筆耕  
爲業。止因舊歲誤聽一少年浪子。將長女招贅成婚。  
半年之後。攜往新安。約我挈家相就。爲此將家產器  
物盡行變賣。竟上新安。誰知到彼訪尋。所言茫無踪



影方知落了奸拐之計。無門可控。只得歸來。目下掙  
到潯溪地方。天寒歲暮。食缺衣單。一家數口。嗷嗷待  
斃。山妻決意將十歲幼男。賣與北客。議定身價二兩。  
小生苦勸不從。少頃北客到來。便要攜兒而去。這骨  
肉分離。只在頃刻。教我怎不傷心也呵。  
哭介淨扮薄  
氏老旦小旦扮兩女小生扮幼兒上淨

前腔 雨雪經時。饑寒勢怎支。尋思無計。只得賣親兒。

官人。當此嚴寒天氣。我們身上。只穿得兩層單衣。况  
且日間無食。夜間無被。忍饑受凍。死在旦夕。只得將

兒子賣了銀子。且救一家之命。你還哭他做甚。  
生娘  
子。處此時勢。這也其實怪你不得。只是父子至情。難  
以割捨。我想爲着二兩銀子。便把至親骨肉。送在遠  
方。將來那有相見之期。教我怎不悲痛。我想起來。

梅花酒 都只爲奸徒詭計。巧施香餌。弄得我一家狼  
狽。顛躓。堪切齒。漫嗟咨。霎時間。分開父子。知道是  
何年再逢我兒。恨不把奸徒碎屍死。把奸徒碎屍死。  
撫小生哭介  
我兒。你頃刻便是別人家的了。小生

哭介 爹爹。



前腔 我生來膝下。每分甘旨。書齋畧識之無字。今日裏爲阿姊廢家私。棄孩兒同犬豕。我怎忘却生身鞠育大慈。痛肝腸淚如泚。痛肝腸淚如泚。哭介外扮北客持銀上生隨上介外 啓家北方客人。因來江南生意。收拾要回。恰好撞着個窮途夫婦賣孩子的。議定身價二兩。如今交付與他。便好帶了此子去也。將銀付末末哭不接付淨淨接介淨 官人。到此時節。哭也無益。好好接了銀子。叫兒子跟了老客去罷。末小生相抱痛哭介末

前腔 想着我別無子息。只有這藐孤血嗣。如今又要分爲二。忍見他更姓氏。割宗枝。向他家供指使。還生怕流爲囹奴小廝。怎不要叫蒼天椎心死。叫蒼天椎心死。哭倒介老旦小旦扶介外對淨介 看這光景。你家老官。是捨不得這孩子的了。如今啗也不管。媽媽你既接了銀子。只得把孩子與啗帶去罷。淨 但憑老客。帶兒欲下兒哭介生 且住。我在此已看得久了。老客官。他不過得你二兩銀子。如今叫他還了你。我這裏另把二兩與他。免得拆散他父子。也是客官一宗



天大的陰騭。向淨取銀付外介外。啗只道他夫妻大  
家情愿。故此買這孩子。不想如此光景。相公既然叫  
他還了啗的銀子。難道有了銀子。怕沒處尋孩子。不  
成。如今啗就回去罷。請了請了。下生另取銀付未介  
未。先生這個銀子。小子如何敢領。生。這是我出乎本  
心。豈是兄要我的。兄倒請從直收了。如今年盡歲逼。  
好急急收拾回去。未。小子與先生從無半面。多蒙如  
此周濟。何以爲報。生。何必說個報字。我小生從來要  
濟困扶危。向在揚州聞得有個蔡君。舉行育嬰社會。

小生特特訪到他家。拜他八拜。助他十金。爲他保全  
人家子女。乃是天地間第一件好事。今日見你父子  
如此哀苦。何忍坐視不救乎。未。同妻子拜謝介。

望歌兒 謝恩臺搭救我愚父子。我這一家兒盡荷重  
生賜。且漫道骨肉團圓。便先人地下應歆祀。愧只愧  
道傷輕薄輩。感只感鮑叔牙。今無二。小子旣蒙厚德。  
如今便好拜別還鄉了。生。

尾聲 勸君急早歸桑梓。還只向絳帳攜兒作塾師。只  
是你那鐵面的夫人也。太不慈。可嘆這時節。



路上行人欲斷魂。末 只應漂母念王孫。

生 老兄為甚江干臨別頻回首。末 我半為青山也。半為恩。

第二十六折 仙聯 越調真文韻

浪淘沙 末扮游生上 西蜀舊家門。相國兒孫。墓鹽一

卷老河汾。何事儒衫偏戀體。望斷青雲。小生游典。表  
字日則。原係宋朝蜀中。游丞相之後。如今人洋清溪。  
設帳武林。一向與金陵軒冠霞先生相知。有好幾時  
不通音問了。這兩日館中放假。且到禾城一遊。則個

行介生上 繡虎雕龍浪得名。吟風弄月劇鍾情。如何

頑福無些子。嘆息聲中過一生。小生家居無聊。暫往

近地經行。正是詩人所云。駕言出遊。以寫我憂也。如  
今偶來到樵李地方。這裏從來出名的勝景。只得個

鴛鴦湖煙雨樓。奈何湖在樓空。惟有煙波渺渺。今日  
天氣晴和。不免到彼散步一回。行介末 呀。那前面來

的好似冠翁先生。相見介 原來正是冠翁。可喜可喜。

生 原來是日則兄。這一向在何處。末 在武林舍弟家

處館。生 館在何處。末



前腔 一館近湖濱。簫鼓時聞。生有幾位高徒。末就是

兩個舍姪。只將猶子當門人。生館穀何如。末饘粥尋

常餬口過。聊代耕耘。有一件奇事。正要聞之。冠翁恰

好無心相遇。妙極妙極。生何事。末今歲新正時。有一

個朋友。到小館中請仙問事。偶然請下個何仙姑來。

判事已畢。忽然寫一句道。庭前雙桂無雙。衆人不解

其意。又寫道。我欲贈二子為館中一聯耳。衆人問道。

既欲作一聯。何不湊成對句。又寫道。可到橋李特懇。

軒冠霞先生對之。衆人問是何故。又寫道。仙人不若

才子之妙耳。為此正要來會冠翁。恰好此間相遇。也

是天假其便。就要求冠翁一對。以便懸之齋中。生大

介 原來有此事。何仙姑乃知世間有軒冠霞乎。也奇。

也奇。此對要對容易。雖十數個也有。但此聯原為稱

贊你兩位令姪而發。須要切在令姪身上。方不寬泛。

末正是。生我有一句在此。倒要做了出句。方纔順口

好聽。末請教。生門內二龍有二。這一句也將就對得

了。但不知可合仙姑之意否。曰。則兄。這事倒奇。

五韻美 這軒冠霞久窮困。被那些炎炎赫赫得意人。



都看做沉舟破甑和枯燼。又誰知仙姑寄訊。期屬對許多風韻。好一似古木寒岩重見春。只是我小弟當不起仙姑如此盛意。有甚的錦繡珠璣。敢煩特懇。末只爲冠翁才高。所以如此。生就是這對呵。

丞相賢。也不比風翻荷葉語無根。也不比煙鎖池塘句絕倫。便是彌天四海。何須論甚才人。敢值得仙姑相敬遜。末冠翁。

尾聲 你這龍門佳句。殊清俊。不在了。聲名奕奕動仙人。我這回去呵。便好鏤版高懸。做壁上珍。

生 仙才不信讓凡才。末 才子元從仙籍來。

生 二者若還商取捨。升天情愿學癡呆。

第二十七折 鬼傳 仙呂齊微韻

鵲橋仙 外扮孫霄客上 衣冠門第。文章聲氣。咫尺雲

間一水。伯鸞春廡肯栖遲。但有愧伯通情誼。小生武水孫擘。別號霄客。近有軒冠翁假寓于此。朝夕盤桓。甚是歡暢。今日乃新正人日。須特治一樽。與冠翁共酌者。生上 阮禪述井酷炎涼。高屋羣兒盡可傷。若向茅叢尋勁草。不知誰是魯靈光。小生偶來到武水地。



方寄寓孫君齋中。這邊只有個顧生雪漁。名喚顧岷。真可稱首陽採薇之士。于半年前已下世了。我曾做兩首五律弔他。他並無妻子。一死之後。也就化爲冷露寒煙了。可嘆可嘆。如今雪漁之外。却更無雪漁。道猶未了。居停主人早出來也。見介外冠翁多承寵賁。蓬華生輝。只恨舍間湫隘。不足回旋。這對門有鄰園一區。頗堪遊咏。少頃當移樽過去。好同冠翁爲竟日之談。况園中書室儘多。卽下榻亦無不可。生這等過承了。既有名園。就此同過去罷。行介到介生果然好

一座園亭也。

長拍 楚楚池臺。楚楚池臺。森森竹樹。風日今朝清美。  
一觴一詠。敘幽情莫過于斯。雜扮童子攜酒具上置

案間生外同飲介外

丘壑百年期。嘆主人頻換燕巢。

新壘。生如此看來。我輩正當暢飲。那大海揚塵岸谷。

改。何況此小山溪。這今古曠觀。應吾輩且坐花醉月。

好賦新詩。霄客兄。這園中幽雅。正堪下榻。小弟今夜

就在此安置了。吾兄但請方便。明日再領教罷。外這

等小弟倒暫時告別。留小僮在此伺候罷。下生難得



如此好月。又映着地下殘雪。真是雪月交輝。便流連  
達旦。有何不可。坐椅上假寐介外上天已明了。原來  
冠翁尚然未醒。生醒介霄客兄。夜來多擾。今日何故  
來得恁早。外正有一件奇事。特來奉告。生何事。外那  
顧雪漁兄。生前與冠翁相知。小弟却只有半面之交。  
昨夜忽然到小弟夢中來。請冠翁朝南端坐了。他跪  
拜于下。且拜且哭。託小弟轉求冠翁替他作一篇傳。  
冠翁。你道這事奇也不奇。生這顧兄。我和他相與。纔  
得三年。但聞他鼎革之時。爲數莖顛毛。幾陷死地。這

事。乃是人所共知的。至于生平履歷。實未淡知。待小  
弟再躊躇奉復。外這等小弟今日有一件不得已之  
俗事。要往鄉間一行。明日再來奉陪。生但請尊便。外  
下生這園中清幽可喜。正好作詩。昨日恰是人日。我

見唐人有許多人日登高應制之作。今人但知九日  
登高。絕不知有人日。昨日恰好孫君送酒。正宜補作  
一詩。吟介春入溪橋未見梅。小園殘雪尚皚皚。正思  
曳杖尋詩去。何意敲門送酒來。楊宅問奇真好事。梁  
園授簡豈凡才。白衣莫道非重九。人日登高舊舉杯。



外上

小弟昨日失陪。不意夜間雪漁又到夢中來。託

小弟懇求冠翁作傳。他道甚是感激冠翁。曾蒙賜三

首詩相弔。我夢中對他說。聞得冠翁相弔。止有兩首。

那得三首。他道兄不曉得。還有一首奇絕未曾做完耳。小

弟特來奉告。不知果有此事否。生付介這個却也奇

怪。雪漁初死時。我止弔他兩首詩。後來到冬間。偶閱

樵李高寓公年兄遺集。內有絕筆五律一首。結尾兩

句云。惟將前進士。慘澹表孤墳。讀之不覺潛然。忽然

想起。這兩句大可移贈雪漁。止消把前進士三字換

作明處士。便極爲切。當然前詩已難以改竄。只得付

之一嘆。這事竝無一人曉得。連我也付之度外了。如

何他偏曉得人意中之事。這却是非常靈鬼。此傳不

得不做矣。只是一件。前日雪漁臨終時。曾付我一本

年譜。次日即被他族兄索去。如今要做傳。非年譜不

可。但未知此本尚存否。外冠翁只得自往索取方好。

生是是是。兄可在此。我且將人日小詩請教。待我去

去就來。急下外看詩吟介。好詩好詩。這人日登高實

是千秋佳話。奈何今人不傳。



短拍 人日登高。人日登高。唐時盛作。有連篇應制佳詩。今日少人知。那綵勝福奩誰紀。自此新添賦料。伴梅萼。好粧點壽陽眉。生急上

不是路 急到城西。索取他家年譜歸。外冠翁來了。年

譜曾取來否。生已取來了。外可付小弟一看。生袖中

取出介 綵編是新春帖子外邊圍。付外看介這是一

本年譜。外面是一張紅單帖。裹着呀。爲何這紅帖上缺了一角。好像是人手指招去的。生看介呀。這是何

故。我方纔好好放在袖中的。安得有人招去。奇怪奇

怪。看地下介那地下遠遠像是一塊紙。待我拾起來

看。拾介呀。這正是這紅帖上招下來的好生古怪。果

希奇。紅箋一角。誰偷擲。難道這白日青天有鬼迷。霄

客兒也休驚異。我如今且將他小傳勤操筆。免虛清

晷。免虛清晷。外既是這等小弟不要在此攪亂文思。

待冠翁做成。再來請教。下生據案作文介

前腔 落筆如飛。滿。紙。血。腥。字。堪。泣。鬼。將這獨行遺民。闡隱微。綱常繫西山。

窮。餓小夷齊。他當日蹈凶危。只爲顛毛數縷難輕蕪。致使挺刃交加。血指摧今。亾矣。祇餘數卷風霜字。好



伴那井中心史井中心史外上冠翁傳做多少了生

已做完矣付外看介好文好文不但高古奇妙抑且

生氣凜凜雪漁得此可以含笑九泉矣只是他昨夜又到夢中來說道日間那紅帖上紙角正是他招去的要冠翁知他精爽不散尚能遊戲人間耳冠翁你道世上有這樣出跳的鬼麼生他也無別意只恐怕小弟不爲他立傳故多方弄此靈怪無非欲速其成耳如今傳已成了可書一通到他墓前焚化也完了朋友之誼連那首詩也要補完庶不負他幽冥屬望

之意外這是冠翁千古高誼凡屬朋儕盡當感激只

還有一件事近日有一個計廉伯兄他臨終時將生平的著作盡付小弟惓惓囑託要求冠翁做一篇序文使他瞑目于地下未知冠翁肯做否生這廉伯兄

橋梓我都相識聞得廉伯也是個有行文人這篇序自然該做只是我小弟貧賤違時之人被人輕賤看得不值一錢誰知人便不重我的文字鬼却偏要我的文字這樣看起來我只好做個鬼之董狐了外總來冠翁名動鬼神所以如此生



尾聲 嘆空文徒說鬼。那賈生前席在何時。只落得人傳幼婦碑。看客兒。

這好名人鬼總無殊。外自是高文重典謨。

生 這樣說起來。正合了俗語兩句。莫說此人全沒用。也有三分鬼畫胡。笑下

第二十八折 意園 中呂家麻韻

丑上 天下何嘗有山水。人間不解重文章。俺書僮跟隨主人多年。漂泊支離。伶仃孤苦。向來主人的同心好友。只有旧飯菴老爺。和成爰斗相公兩位。如今田

老爺已客死西湖。成相公又遠隔淮泗。這幾年流寓三吳。並無半個知己。只近日乩仙盛行。扶鸞弟子最多。此處有一位阮相公。少年奉道。最善扶乩。屢著靈異。與主人志同道合。時時往來。這乃是世外之交。原不比塵埃之侶。這一向不見阮相公到來。俺相公甚是相念也呵。生上

菊花新 生來痼癖在烟霞。何事飄零誤歲華。三十嘆無家。又三十。怎教干罷。許久不見阮方龍兄。盍旦。你到門前看着。若阮相公一到。卽請進來。丑曉得。末扮



遶紅樓。道性天生靜不譁。巖壑畔曾遇仙家。晚岫雲  
 迷上元歡狎。渾似鏡中花。小生若溪阮玉衡。表字方  
 龍。夙有仙緣。喜親道侶。今有軒冠霞先生。流寓吾鄉。  
 他奉道有年。求仙甚切。時常邀小生扶鸞運乩。那各  
 位仙師。與他往來贈答之章。可也不少。這一向久未  
 相探。今朝須索一往。到介丑進報生出相見介方龍  
 兄來了。目別後一日三秋。何異九秋之隔。末冠翁我  
 相思處。寸心千里。亦如萬里之遙。生請問方龍兄近

日也常扶乩否。末乩自常扶。只是如今以三六九為

期。生請問還是純陽呂祖降乩麼。末呂祖近日因天

庭有事。無暇降臨。轉託文昌梓潼帝君主持其事了。

生何故轉託文昌。末冠翁不知。這鸞乩原起于文昌。

好事近。當日呵。西蜀燦雲霞。如意飛鸞開化。他那行

藏神異。九十七生無差。非誇。但願人人忠孝。專司着

桂祿榮華。今日裏又何須降麟車。鳳駕只憑這一枝。

鐵筆。普度塵沙。生果然果然。這乩仙一道。雖然不見

于經傳。然據小弟看起來。那中庸上面鬼神之為德



一章書却似爲乩仙而設。末怎見得。生他道是視之  
不見聽之不聞。體物而不可遺。如今這乩仙無形無  
聲。豈非不見不聞。他却有叩卽應。有感卽通。分明如  
耳提而命一般。豈不是體物不遺麼。這個纔叫做夫  
微之顯。誠不可揜。此一章書句句若爲乩仙而發。所  
謂鬼神爲德之盛。似非乩仙不足以當之。末冠翁此  
種妙論。真是發前人之所未發。久聞冠翁著述浩繁。  
到處家傳戶誦。未知近來更有新著作否。生也別無  
甚著作。只新構得兩個小園。頗堪寓目。吾兄若不棄。

便奉屈一遊。何如。末冠翁園在何處。生取書與末介

這個就是小園。末看介。這是一卷將就園記。內中道

是四天下山水最佳勝之處。其地周遭皆山。山中爲  
園。左右有兩高山。左曰將山。右曰就山。山中有兩園。  
東近將山者曰將園。西近就山者曰就園。統名之曰  
將就園。兩園分而寔合。合而寔分。中有一橋相通。卽  
名曰將就橋。主人居兩園之中。自號曰將就主人。這  
便是園之大槩。妙哉妙哉。此真天地古今之奇觀也。  
但不知冠翁何故憑空發此異想。生這個也原有所



本昔日文待詔的停雲館。就在法帖圖章之上。劉南坦的神樓。就在文衡山的畫中。和楊升菴的曲裏。也都是此意。只是他不過徒存其名。未必如此之真切耳。我小弟五嶽有志。四海無家。若不作此遊戲。何以消遣悶懷乎。

古輪臺。漫嗟呀。藍田梓澤屬誰家。綠野成虛話。只索作雲峰變化。蜃氣含訝。四壁溪山如畫。休道是丘壑胸中。高高下下。便空中樓閣也。楮材未看了冠翁此園呵。那平泉上苑。較此園真假何差。一般樣清風皓

月青山綠水。千金總無價。合免向俗人誇知音。寡將

就園且將就些兒罷。生方龍兄。你適纔不過畧攬此

園之大槩。其中還有細微曲折處。未曾一一遊到。未

看介。便是原來兩園中各有十勝。這將園十勝。是竹

徑三亭。羅浮嶺。鬱越堂。至樂湖。醉虹堤。吞夢忘天兩

樓。蜺高臺。一點亭。和蠡盤。百花村。花神祠。閣就園十

勝。是萬松谷。華胥堂。十八曲山澗。就口雲將兩峰。天

生橋。挾仙臺。丹室。桃花潭。榕林。楓林。柏林。原來有許

多名區勝蹟。奇絕奇絕。



前腔 果奇佳。這是乾坤第一野人家。世外多瀟灑。說甚華林調馬。春塢藏花。讌集西園魚雅。漫道是雞犬農桑。桃源不亞。便瀛壺蓬島也無加。生此園也未必比得瀛壺蓬島。只是華胥鬱越。兩草堂差勝蒹葭。還有二樓枕水。雙峰冠閣。宜冬宜夏。合前末小弟今日何幸得遊此名園。讀此奇文。這福緣可不小也呵。

前腔 厭紛華。交遊幾見大方家。今朝喜遇同人卦。正好平章風雅。經畧烟霞。坐對天開圖畫。况欣賞奇文。應酬不暇。神怡心曠。樂無涯。生這園記呵。也不過鴛鴦

籠戲耍。似小池游泳魚蝦。那有崇山峻嶺。茂林修竹。蘭亭佳話。合前末小弟此來。可謂虛往實歸。樂極樂極。但日已將暮。明早正當請仙之期。只得告別。生久別重逢。何忍相捨。

尾聲 且和兄一樽共醉梅花下。把此一卷呵。聊當椎秦博浪沙。末若還醉倒怎處。生這不妨。自有將就小園堪下榻。末笑介

萬古千秋只此園。生那知興廢是何年。遊人盡道逍遙樂。末勝讀南華第一篇。



第二十九折 天園

商調庚青韻

外扮桂殿曹傳宣上

桂殿傳宣八百秋。都無一事繫

心頭。別來自理長生訣。不與人間作馬牛。小神乃文  
昌帝君座下桂殿傳宣曹性癡是也。淨扮值殿大將

上。堂堂天策佐儒勳。名著華鯨戛五雲。只為桂香熏

透骨。十分武裏七分文。自家桂宮值殿大將軍鍾雲

是也。與外相見介。今朝帝君升殿。俺們合當伺候。小

生扮文昌帝君擁衆上

三臺令 職司祿籍文衡。七曲慈光炳靈救劫念生生。

幾徘徊不驕帝境。九天開化號元皇。大地都傳桂子

香。不信文章爭日月。緣何萬丈有光芒。吾乃文昌梓

潼帝君是也。位齊太乙德被十方。掌混元之輪迴。司

仕流之桂祿。向蒙上帝悲憫塵劫衆生。特授吾以如

意一枝。委行飛鸞開化人間。顯跡天下。所以鸞虬一

道處處盛行。近日閻浮界內。有一弟子阮玉衡。在吾

門下。他與善士軒轅載往來最密。昨有本壇護法報

至崑崙。說軒轅子近作有一卷將就園記。甚是新奇

可喜。不免令傳宣授意阮生。取來一看。今日正當請



仙之期傳宣可即前去一行者。外領法旨。小生如此。  
吾且回宮以待傳宣奏報。同下生同末丑上生。

風馬兒

宣室求賢歎賈生。這飛鸞事實堪憑。未看仙

真覲面如提命。文章道義師友一般情。冠翁小弟昨

日既遊名園。復叨佳醞。樂不可言。今日乃請仙之期。

須要早赴仙壇。只得暫別。正是白雲留不住。黃鶴去

還來。下生方龍去了。小生獨坐無聊。想起向來有幾

個詩題未曾做得。今日不免檢他出來。完此夙逋也。

是韻事。檢介這題目是四懷詩。所懷者乃才子美人。

英雄神仙也。這個題目甚是有趣。不可不做。盍旦你

到門前看着。但有閒雜人來。一槩回覆便了。丑曉得

下生如今正好做詩了。就先將才子的詩做起來。吟

介我所懷。今在才人不讀萬卷筆。有神驚天泣鬼走。

風雨。金殿玉樓總絕倫。奈何盛名多坎坷。珠璣錦繡

終蓬顆。屈宋李杜安在哉。真恨古人不見我。未上冠

翁好奇怪也。我方纔到壇中。請仙只見鸞虬大動。寫

道。桂殿傳宣曹降。今日奉文昌帝君法旨而來。聞軒

轅子有將就園記。甚為可愛。故桂宮傳命。欲索原本。



細覽批閱。以作不朽之奇觀。當擇名山高阜最佳處。建此兩園。以待諸仙往玩。并作騷壇。至虎溪再笑之期。軒轅子可以爲兩園主人矣。原來冠翁的將就園記。天上都曉得了。冠翁可即將原本付我呈進者。

黃鶯兒

將就好園亭。萬山圍列。盡屏湍流。一似蘭亭。

景林巒有情。樓臺有名。兩園十詠。多奇勝。堪笑那世

人呵。眼如盲。誰知暗裏驚動大文星。生原來有此事。

也奇也奇。園記在此。方龍兄就可將去者。取書付末

未持下介生。如今好將美人的詩做了。吟介我所懷。

今在美人雪膚玉貌。秋水神天上。無雙人第一。百城

萬乘等。輕塵奈何。佳人難再得。蓬戶何由窺。艷色嬌

施環燕安在哉。日斷牆東空嘆息。末上冠翁我方纔

將你這園記呈進。卽奉文皇法旨云。才子之作。如世

外奇卉。璀璨鮮妍。天上修文。不能及其萬一。卽著值

殿大將鐘雲前詣中海崑崙。依其文內所構爲兩園。

待工完。余往彼處。以作世上別業。俟軒轅子武夷相

聚之後。來此。永作修文長郎。冠翁你這將就園。不過

紙上空文。如今天上竟替你建造了。豈不奇絕。生原



來有這等事

前腔 將就小園亭戲揮毫。杜撰成。渾如夢幻和泡影。誰知道。遙通帝庭。多勞將星。按圖營構。崑崙頂。更堪驚。修文美秩。何福到。鰈生。末小弟壇中還有未了之事。須索做完了來。下生如今要做英雄的詩了。吟介我所懷。今在英雄。解紛排難。建奇功。揮金仗劍。猶餘事。慷慨真有古人風。奈何四海少義烈。猿公神術。今亦絕。五陵豪俠。安在哉。羞殺秋郊三尺鐵。末上冠翁。更奇更奇。我方纔到壇中。鸞。亂忽又大動。寫道。桂宮

大將軍鐘奉法旨。呂祖閣改為三清閣。關某閣改為玉帝閣。敕軒轅子速作兩閣對聯。聯各十五字為合式。不知這兩閣原在何處。為何更改。却要冠翁做對聯。生笑介這兩閣並非別處。就是小弟所作。就園中

東西兩峰上面的關帝閣和呂祖閣也在我輩下界。凡夫只該供奉二位帝師。若在天上看來。畢竟以三清玉帝為主。故此將凡園改為仙園。連凡閣都改為仙閣了。末既然如此。冠翁即當遵旨。速作對聯呈上者。生正是。寫對付。未末持下介。生如今好將神仙的



詩索性做完了罷。吟介我所懷兮在神仙堂堂白日。  
上青天北海蒼梧如咫尺。一笑滄桑幾萬年。奈何若  
士杳難覓。縱使相逢不相識。緜山笙鶴安在哉。飛瓊  
弄玉空相憶。末上冠翁我方纔將尊作對聯。繳上奉  
旨云軒轅子所作對聯甚佳。准用奇哉奇哉。

前腔

雙閣蠹青冥。奉純陽與壽亭。天宮一旦重更定。

東邊玉京西邊玉清。兩聯恭擬多端正。

生

愧虫鳴人

間厭棄。天上有文衡。

末

冠翁小弟扶乩有年。從未見

如此奇事。如今這將就園竟該喚作崑崙園。又可稱

爲天上園矣。

生

方龍兄這將就園記。小弟不過是一

時遊戲之作。不意驚動上天。有此一番奇事。可見吾

輩一言一動。暗中都有鬼神鑒察。所謂暗室屋漏。毫

不可欺。其理豈不彰明較著麼。

末

正是

尾聲

想海山風月無邊景。雲構多應不日成。

生

何似

莖草毛端現化城。

末

信有奇文動鬼神。

生

誰知弄假却成真。

末

冠翁如今好了。現成家業安排定。只待你喬遷

作主人。

下



丑相公方纔阮相公說道現成家業。只待喬遷。如今這家業却在何處。生笑介這家業麼。遠則十萬八千。近則只在眼前。丑相公哄我哩。我也聽見說甚麼崑崙崑崙。想來定是一個大馬頭去處。但未知相公何時喬遷。待小人好預先叫下人夫。僱下船隻伺候。免得臨期手忙脚亂。生這倒不消得到那一日。自然有人安排料理。包管你現成安享便了。丑拍手笑介。這等一發快活。美哉妙也。不亦樂乎。

第三十折

輯識

大石調先天韻

獻書人吳

良士  
諫青

捐贈



